

四庫全書

集部

欽定四庫全書

御定佩文齋詠物詩選卷四百二

豹類

七言古 附長短句

臘日觀咸寧王部曲娑勒擒豹歌

唐  
盧綸

山頭瞳瞳日將出  
山下獵圍照初日  
前林有獸未識名  
將軍促騎無人聲  
潛形踞伏草不動  
雙雕旋轉羣鴉鳴

雨中贈仙人山賈山人

唐柳宗元

寒江夜雨聲潺潺曉雲遮盡仙人山  
遙知玄豹在深處下笑羈絆泥塗間

灤京雜詠

元楊允孚

撒道黃塵輦路過香焚萬室格天和  
兩行排列金錢豹欽察將軍上馬駝

御定佩文齋詠物詩選卷四百二

壯哉南山豹不畏白額虎澤霧毛雖雜鼯鼠朝將其鬚  
暮飲乳文章子雲久已許還笑大夫費五殺天子仗中  
儀物舉尾與旂常願看取

五言律

詠豹

唐李嶠

車法肇宗周鼯文闡大猷還將君子變來蘊太公籌委  
質超羊羴飛名列虎侯若令逢雨露長隱南山幽

七言絕句

王世賞席上題林良鷹熊圖

明 李東陽

坡陀連延出林麓孤鷹盤拏熊縮伏金眸耀日開蒼煙  
健尾捎風起平陸由來異物乃同性意氣飛揚兩撐矗  
山跑野掠紛路歧何事相逢輒相肉側睨翻疑批亢來  
迅步直欲空壁逐乾坤蒼茫色慘淡落木蕭颼滿空谷  
羣豺歛跡百鳥停萬里長空齊注目是誰畫者誠崛奇  
筆勢似與渠爭速坐間賓客皆起避階下兒童駭將蹴  
當筵看畫催索詩卷帙不待高閣東平生搏拏非我才

欽定四庫全書

御定佩文齋詠物詩選卷四百三

熊羆類

五言古

落日射羆

梁元帝

促宴引枚鄒中園觀獸侯日度墉陰廣風橫旗影浮移  
竿標入箭疊鼓送爭籌附枝時可息言從清夜遊

七言古

獸長廊靜呼鷹御苑空王孫莫諫獵賤妾解當熊

御定佩文齋詠物詩選卷四百三

欲賦真愁成刻鵠微酣對此髮雙豎酒令詩籌復相督  
頻令拙劣成麤豪一飲步兵三百斛

五言律

熊

唐  
李嶠

導洛宜陽右乘春別館前昭儀忠漢日太傅翼周年列  
射三侯滿興師七步旋莫言舒紫褥猶異飲清泉

詠馮昭儀當熊

唐  
賈至

白羽插雕弓蜺旌動朔風平明出金屋扈輦上林中逐



後出軍

元張翥

行行鐵兜牟隊隊金駱駝  
嗚嗚吹銅角來來齊唱歌  
總戎面如虎指顧揮琱戈  
馬蹄無賊壘手筆可填河  
王師本無敵安用戰圖多

七言絕句

蜀駝引

唐馮涓

昂藏大步蠶叢國曲頸微伸高九尺  
卓女窺窗我莫知  
嚴仙據案何曾識

欽定四庫全書

御定佩文齋詠物詩選卷四百四

駱駝類

四言古

橐駝

晉郭璞

駝惟奇畜肉鞍是被迅驚流沙顯功絕地潛識泉源微  
乎其智

五言古

收來東國易桑麻

明安驛道中

元陳孚

貂鼠紅袍金盤陀仰天一箭雙天驚  
琯弓放下笑歸去  
急鼓數聲鳴駱駝

灤河曲

元貢師泰

椎髻使來交趾國  
橐駝車宿李陵臺  
遙聞徹夜鈴聲過  
知進六宮瓜果迴

塞上曲

元納延

塞下曲

宋 嚴羽

一身遠客逐戎旌  
落日蕭條望古城  
漸近磧西無水草  
北風沙起駱駝驚

駝車行

元 劉秉忠

駝項丁當響巨鈴  
萬車軋軋一齊鳴  
當年不離沙陀地  
輾斷金原鼓笛聲

河湟書事

元 馬祖常

波斯老賈渡流沙  
夜聽駝鈴識路賒  
採玉河邊青石子

輦下曲

元 張 昱

駝裝序入日精門  
銅鼓牙旗作隊喧  
一聽巡階鈴鍍振  
滿宮俱喜出迎恩

元宮詞

明 朱有燬

春遊到處景堪誇  
厭戴名花插野花  
笑語懶行隨鳳輅  
內官催上駱駝車

上谷歌

明 徐 渭

昨向居庸劒戟過  
今朝流水是洋河  
無數黃旗呵過客

雜沓羶車百輛多五更衝雪渡灤河當轅老嫗行程慣  
倚岼敲冰飲橐駝

灤京雜詠

元 楊允孚

翎出王侯部落多香風簇簇錦盤陀燕姬翠袖顏如玉  
自按轅條駕駱駝

其二

東風吹暖柳如煙寄語行人緩著鞭燕舞巧防鴉鶻落  
馬嘶驚起駱駝眠

御定佩文齋詠物詩選卷四百四

有時青草站鳴駝

次韻王敏文待制燕京雜詠

明僧來復

曉宴皇姑拜上家金錢滿賜橐駝車黃門前道飛鞚過  
貂帽斜簪利市花





# 欽定四庫全書

集部

御定佩文齋詠物詩選卷四百五至  
七

詳校官侍郎<sub>臣</sub>李封

主事銜<sub>臣</sub>徐以坤覆勘

總校官檢討<sub>臣</sub>何思鈞

校對官中書<sub>臣</sub>高中

謄錄監生<sub>臣</sub>劉為幹

欽定四庫全書

御定佩文齋詠物詩選卷四百五

馬類

三言古

天馬歌

漢樂府

太乙賦天馬下雷赤汗沫流赭志倣儻精權奇籟浮雲  
晻上馳體容與迺萬里今安匹龍為友

五言古

繫馬

梁簡文帝

青驪流赭汗綠地懸花蹄未垂青鞵尾猶挂紫障泥蹠足絆中憤搖頭櫪上嘶紫關如未息直去取榆谿

後園看騎馬

梁元帝

良馬出蘭池連翩驅桂枝鳴珂隨跼駛輕塵逐影移香來知驟近汗斂覺風吹遙望黃金絡懸識幽并兒

走馬引

梁張率

良馬龍為友玉珂金作羈馳驚宛與洛半驟復半馳脩

忽而千里光景不及移九方惜未見薛公寧所知斂轡  
且歸去吾畏路傍兒

紫騮馬

陳  
徐陵

玉鐙繡纏鬃金鞍錦覆幪風驚塵未起草淺埒猶空角  
弓連兩兔珠彈落雙鴻日斜馳逐罷聯翩還上東

紫騮馬

陳  
張正見

將軍入大宛善馬出從戎影絕乾河上聲流水窟中似  
鹿猶依草如龍欲向空須還十萬里試為一追風

天馬引

隋傅緯

驄色表連錢出冀復來燕取用偏開地為歌乃號天權  
奇意欲遠躩蹠勢難前本珍白玉鐙因飾黃金鞭願酬  
芻秣寵千里得千年

驄馬

隋庾抱

櫪下浮雲驄本出吳門中發跡來東道長鳴起北風迴  
鞍拂柱白頰汗類塵紅滅沒徒畱影無因圖漢宮

飲馬歌

唐李益

百馬飲一泉一馬爭上游一馬噴成泥百馬飲濁流上  
有滄浪客對之空歎息自顧纓上塵徘徊終日夕為問  
泉上翁何時見沙石

御驃出廐圖

元王惲

何人拂絹素寫此房駟精一馬老伏櫪志在千里行二  
馬騁躔鬣角壯猶龍騰一馬方輓塵海岸翻鯤鯨畫師  
慘淡意落筆矜多能我觀寓所感國制貴有經唐人重  
馬政分屯列郊坵當時百萬匹肅肅羅天兵東封與西

蕩歲用不可勝嗣王獵其餘尚足開中興乃知三軍本  
匪馬將奚憑聖經說備豫萬古為世程倉卒事亦辦未  
免衆目驚我思立仗間振鬣伸長鳴所言固芻蕘聖經  
其可輕

鞭馬圖

元  
袁 楠

生駒萬里意所向知無前圉人忌其德未試先加鞭要  
令俛首馴使我常相憐伯樂去已久此道不復傳駕車  
困泥途伏櫪老歲年所用非所養誰能別媼妍畫師逐

時好謂爾誠當然披圖重歎嗟我意何由宣

七言古 附長短句

蒲梢天馬歌

漢武帝

天馬徠兮從西極經萬里兮歸有德承靈威兮障外國  
涉流沙兮四夷服

舞馬篇

唐薛曜

星精龍種競騰驤  
雙眼黃金紫艷光  
一朝逢遇昇平代  
伏阜銜圖事帝王  
我皇盛德苞六羽  
俗泰時和虞石拊



昔聞九代有餘名今日百獸先來舞鈞陳周衛儼旌旄  
鐘鐻陶匏聲殷地承雲嘈囋駭日靈調露鏗鉉動天駟  
奔塵飛箭若麟螭躡景追風忽見知咀銜拉鐵並權奇  
被服雕章何陸離紫玉鳴珂臨寶鐙青絲綵絡帶金羈  
隨歌鼓而電驚逐丸劍而颺馳態聚踳還急驕凝驟不  
移光獻白日下氣擁綠煙垂婉轉盤跚殊未已懸空步  
驟紅塵起驚鳬翔鷺不堪儔矯鳳迴鸞那足擬蘅垂桂  
裊香氛氲長鳴汗血盡浮雲不辭辛苦來東道祇為簫

韶朝夕聞闔闔間玉臺側承恩煦兮生光色鸞鏘鏘車  
翼翼備國容兮為戎飾充雲翹兮天子庭荷日用兮情  
無極吉良乘兮一千歲神是得兮天地期大易占云南  
山壽趨趨共樂聖明時

畫馬篇

唐  
高適

君侯櫪上驄貌在丹青中馬毛連錢蹄鐵色圖畫光輝  
驕玉勒馬行不動勢若來權奇蹴踏無塵埃感茲絕代  
稱妙手遂令談者不容口麒麟獨步自可珍駑駘萬匹

知何有終末如他櫪上驄載華轂騁飛鴻荷君剪拂與  
君用一日千里如旋風

驄馬行

唐杜甫

鄧公馬癖人共知初得花驄大宛種夙昔傳聞思一見  
牽來左右神皆竦雄姿逸態何嶄崿顧影驕嘶自矜寵  
隅目青瑩夾鏡懸肉駿礪礪連錢動朝來少試華軒下  
未覺千金滿高價赤汗微生白雪毛銀鞍却覆香羅帕  
卿家舊物公能取天廐真龍此其亞晝洗湏騰涇渭深



韓生畫馬真是馬蘇子作詩如見畫世無伯樂亦無韓  
此詩此畫誰當看

題驤裒圖

宋 秦 觀

雙瞳夾鏡權協月尾鬣蕭森澤於髮鞍銜不施韁復脫  
旁無馭者氣騰越地如砥平丘隴滅天寒日暮抱飢渴  
驤首號鳴思一發超軼絕塵入恍惚東門金鑄久銷歇  
曹霸丹青亦云沒賴有龍眠戲揮筆眼前時見千里骨  
玉臺閭闔相因依嗟爾龍媒空自奇鸞旗日行三十里

馬用逐風追電為

劉善長出示李伯時畫馬圖

宋 朱子

俯首舉尾拳一蹄掣韁欲喚驕不嘶奚官聳肩兩足垂  
意貌自與造父齊雞目麟鬐鳳呈臆玉山禾遠未容食  
籊雲追電有餘地置之畫圖人豈識精神權奇孰可班  
當在白兔青龍間君知此馬從何來龍眠胸中十二閑

戲題出洗馬

元 趙孟頫

齧邾夏駕誰能御駑蹇紛紛何足顧青絲絡首錦障泥

鞭箠空勞怨長路明窗戲寫乘黃姿洗刷歸來氣如怒  
不須對此苦歎嗟男兒自昔多徒步

裝馬曲

元  
衮  
桶

綵絲絡頭百寶裝猩血入纓火齊光錫鈴交驅八風轉  
東西夾翼雙龍岡伏日翠裘不知重珠帽齊肩顫金鳳  
絳闕蔥朧旭日初逐電迴飈斗光動寶刀羽箭鳴玲瓏  
雁翅却立朝重瞳沈沈殿雲五色法曲初奏歌薰風  
酏官庭前列千斛萬甕葡萄凝紫玉駝峯熊掌翠釜珍

碧實冰盤行陸續  
湏臾玉卮黃帕覆  
寶訓傳宣爭頽首  
黑河夜渡辛苦多  
畫戟雕閣總勲舊  
龍媒嘶風日將暮  
宛轉琵琶前起舞  
鳴鞭靜蹕宮門閉  
長跪齊聲呼萬歲

題滾塵騶圖

元虞集

騶駟食粟石每既  
立仗歸來汗如洗  
脫羈展轉聊自恣  
落花塵土隨身起  
君不見春雷起蟄  
龍欠伸霧擁雲蒸  
九河水

神馬歌次韻陳元之

元楊載



神馬來自崑崙西有足未始行沙泥朝趨欲出飛鳥上  
夕逝直與奔星齊綠鬃半散插雙耳赤汗交流攢四蹄  
風神秀猛陜天地豈顧燕蔡并渠黎時時牽浴臨清谿  
對人誇煞黃鬚奚玉山之禾中芻秣不嚙堤頭枯草稊  
與君側耳聽長嘶凡馬不聞生駃騠

曹將軍下槽馬圖

元揭傒斯

曹霸畫馬真是馬宛頸相摩槽檻下卓犖權奇果如此  
豈有世上無知者朱絲不是凡馬韁天閑十二皆龍驤

曾從天子平四方畫圖仿佛餘驪黃華山之陽春草長

韓幹馬

揭傒斯

韓幹畫出曹將軍幹惟畫肉猶逼真昂藏四顧欲飛去  
老奚安知馬有神想當此馬未畫時朝刷吳越暮燕秦  
頓轡長鳴風動地不數驂騑與騏驎當時用舍那知許  
粉墨蕭條尚雄武千金駿骨何足論萬世長留羣玉府

畫馬

元薩都拉

漢水揚波洗龍骨房星墜地天馬出四蹄蹀躞若流星

兩耳尖修如削筆天閑十二連青雲生長出入黃金門  
鼓鬃振尾恣偃仰食粟何以酬主恩豈堪碌碌同凡馬  
長鳴噴沫奚官怕入為君王駕鼓車出為將軍靜邊野  
將軍與爾同死生要令四海無戰爭千古萬古歌太平

題二馬圖

元貢師泰

鐵喙騶連錢驄何年墜影江水中蒲梢西來八尺龍天  
閑十二為爾空五花雲錦吹東風

劉舍人桃花馬歌

元納延

青絲駿馬桃花色翠鞍玉轡黃金勒奚奴牽出不敢騎  
道上行人爭愛惜往時曾遇李將軍汗流赤血氣如雲  
朝刷黃河暮南粵沙場百戰成奇勲歸來無心伏槽櫪  
頻轡長鳴思奮力東家白面繡衣郎千金買去遊南陌  
昨朝校獵向城隅萬人爭說天下無夜歸不怕霸陵尉  
玉鞭醉打蒼頭奴畫燭銀屏歡徹曙一朝金盡賓朋去  
可憐驕馬屬誰家斷繮猶繫階前樹君不見西家款段  
三十年青芻滿櫪救滿田老翁不識城下路騎看射獵

南山邊

觀內廢洗馬

元  
朱德潤

黃雲灑雨沙場秋灘高水平凝不流曉霜襲透蒼駝裘  
圉人浴馬津水頭綠驃連錢雙驂騮日光射波脂膩浮  
青絲脫鞚黃金鉤輕爬短刷濕未收三花剪鬣平且柔  
簡雲駿氣將無儔束芻斗豆豈馬羞茫茫豐草生林丘  
霜蹄胡為踏長楸振鬣一躍期天遊

題張參政所藏驄馬滾塵圖

朱德潤

盛唐太僕王毛仲八方分隊三花動當時畫馬稱曹韓  
尺素幻出真龍種玉花照夜爭新妍一馬滾塵駿尾鮮  
昂頭不受金絲絡汗血輾沙生畫煙翰林妙寫不減古  
名駒染出青毫素延祐君王賞駿材金盤賜帛開當宁  
時清處處生驪駒何必漢朝稱渥洼王良幸勿嗔蹏啮  
一躍天衢千里沙

題畫馬

元 薛 漢

渥洼龍媒少人識世上驚駘日充斥班生畫馬畫兩匹

駿骨雄姿殊未得赭袍烏幘坐奚官似出春風十二閑  
掩圖不語三太息我方垂耳鹽車間

二月八日遊皇城西華門外觀嘉拏弟走馬歌

元  
張  
憲

春風壓城紫燕飛繡鞍寶勒生光輝軟莎青青平似鏡  
花雨滿巾風滿衣潛蛟雙綰玉抱肚朱鬣分光散紅霧  
金龍五爪蟠綵袍滿背真珠撒秋露生援俊健雙臂長  
左脚撥鐙右蹴繮銅鏡四扇遶十指玉聲珠碎金琅璫

黃蛇下飲電掣地錦鷹打兔起復墜袖雲突兀鞍面空  
銀甕駝囊兩邊繼西宮綵樓高插天鳳凰繚繞排神仙  
玉皇拍闌誤一笑不覺四蹄如迸煙神駒長鳴背凝血  
郎君轉面醉眼纈天恩剪下五色雲打鼓歸來汗如雪

姚少師所藏八駿圖

明 曾 榮

周家八馬如飛電夙昔傳聞今始見銳耳雙分秋竹批  
拳毛一片桃花旋肉駿疊聳高崔嵬權奇知此真龍媒  
霜蹄試踏層冰裂駿尾欲掉長飈迴瑤池宴罷歸來早



絡月羈金照京鎬紫鞵飛時逐落花雕鞍解處眠芳草  
由來駿骨健且馴弄影驕嘶不動塵有時渴飲天津水  
五色照見波粼粼圉官騎來難久駐飲向春流最深處  
珠銜寶勒不敢疏直恐飛騰化龍去古來善畫韋與韓  
此畫豈同凡馬看人間造次不可得苜蓿秋深煙雨寒

趙松雪畫馬

明  
劉溥

王孫畫馬世無敵一畫一回飛霹靂千里長風入綵毫  
平沙碧草春無跡硯池想是通渥洼突然走出白鼻騮

翻濤浴浪動光彩雲影滿身堆玉花玉花連錢汗流血  
駿尾捎風蹄踏鐵何時騎得似畫中踏破陰山古時雪

龍駒

明  
張居正

天馬徠翼飛龍蹄削玉耳垂筒碧月懸雙頰明星貫兩  
瞳文皇將士盡羅虎復有龍駒助神武流矢當胸戰不  
休汗溝血點桃花雨壩上推鋒第一功策勲何必減元  
戎君不見虎士標形麟閣裏龍駒亦入畫圖中

題韓幹畫馬圖

明  
僧宗衍

唐朝畫馬誰第一韓幹妙出曹將軍此圖無乃幹所作  
世上有若真空羣雙瞳精熒兩耳立蘭筋束骨皮肉急  
何年霹靂起龍池五花一團雲氣濕當年天子少馬騎  
遠求烏孫詔寫之即今內廐多如蟻縱有騏驎畫者誰

題畫馬

明僧妙聲

皎皎白馬白於練首如渴烏目如電天閑騏驎人不見  
畫師為我開生面圍人牽浴定昆池落花滿地驕不嘶  
青絲絡頭無一丈挽住萬里崑崙蹄

其二

畫師胸中有全馬三馬斯須生筆下中有一匹玉花驄  
似是西來大宛者不羣不食意氣豪羞與二馬同凡槽  
使我見畫三太息于今誰是九方臯

五言律

詠飲馬

唐太宗

駿骨飲長涇奔流灑絡繹細紋連噴聚亂荇遶蹄縈水  
光鞍上側馬影溜中橫翻似天池裏騰波龍種生

詠飲馬應制

唐楊師道

清晨控龍馬  
弄影出花林  
蹀躞依春澗  
聯翩度碧潯  
苔流染絳絡  
水潔寫雕簪  
一御瑤池駕  
詎憶長城陰

紫騮馬

唐沈佺期

青玉紫騮鞍  
驕多影屢盤  
荷君能剪拂  
蹀躞噴桑乾  
踠足追奔易  
長鳴遇賞難  
擬金一萬里  
霜露不辭寒

驄馬

唐楊炯

驄馬鐵連錢  
長安俠少年  
帝畿平若水  
官路直如弦  
夜

玉妝車軸秋金鑄馬鞭風霜但自保窮達任皇天

紫騮馬

唐李白

紫騮行且嘶雙翻碧玉蹄臨流不肯渡似惜錦障泥  
白雪關山遠黃雲海樹迷揮鞭萬里去安得戀春閨

送劉評事充朔方判官賦得征馬嘶

唐高適

征馬向邊州蕭蕭嘶不休思深應帶別聲斷為兼秋  
岐路風將遠關山月共愁贈君從此去何日大刀頭

浴馬

唐  
喻  
鳧

解控復收鞍長津動細漣空蹄沈綠玉潤臆沒連錢沫  
漩橋聲下嘶盤柳影邊常聞稟龍性固與白波便

文紀行贈以小步馬

元  
楊  
奐

洛水西頭路桃花夾岸香偏宜紅叱撥小試紫遊韁雨  
徑沙初軟春山草正長杖藜猶過我此別莫相忘

立仗馬

元  
張  
憲

照夜玉駿猊霜毛鐵鑿蹄春風金絡腦小雨錦障泥御

駕馳天上軍封受海西日供三品料絨口不聞嘶

五言排律

天驥呈材

唐鄭蕢

毛骨合天經拳奇步驟輕曾邀于闐駕新出貳師城噴  
勒金鈴響追風汗血生酒亭留去跡吳坂認嘶聲力可  
通衢試材堪聖代呈王良如顧盼垂耳欲長鳴

天驥呈材

唐徐仁嗣

至德符天道龍媒應聖明追風奇質異噴玉彩毛輕蹠



蹀形難狀連拳勢乍呈効才矜逸態絕影表殊名峽路  
寧辭遠關山豈憚行鹽車雖不駕今日亦長鳴

騏驥長鳴

唐  
章孝標

有馬骨堪驚無人眼暫明力窮吳坂峻嘶苦朔風生逐  
逐懷良御蕭蕭顧樂鳴瑤池期弄影天路欲飛聲皎月  
誰知種浮雲莫問程鹽車終願脫千里為君行

歸馬華山

唐  
白行簡

牧野功成後周王戰馬閒驅馳休伏阜飲齧任依山逐

日朝仍去隨風暮自還  
冰生疑隴坂葉落似榆關  
蹀躞仙峯下騰驤渭水灣  
幸逢時偃武不復鼓鼙間

勅賜三相馬

唐張隨

上苑驂騑出中宮  
詔命傳九天班錫禮  
三相代勞年顧主聲  
猶發追風力正全  
鳴珂龍闕下噴玉鳳池前  
四足疑雲滅雙瞳比鏡懸  
為因能致遠今日表求賢

西戎獻馬

唐周存

天馬從東道皇威被遠戎  
來參八駿列不假貳師功  
影

別流沙路嘶流上苑風望雲時蹀足向月每爭雄稟異  
才難狀標奇志豈同驅馳如見許千里一朝通

七言律

舞馬千秋萬歲樂府詞

唐張說

金天誕聖千秋節玉醴還分萬壽觴試聽紫駟歌樂府  
何如騷驥舞華岡連騫勢出魚龍變蹀躞驕生鳥獸行  
歲歲相傳指樹日翩翩來伴慶雲翔

其二

聖皇至德與天齊  
天馬來儀自海西  
腕足徐行拜兩膝  
繁驕不進踏千蹄  
髣髴奮鬣時蹲踏  
鼓怒驤身忽上躋  
更有銜杯終宴曲  
垂頭掉尾醉如泥

其三

遠聽明君愛逸才  
玉鞭金翅引龍媒  
不因茲白人間有  
定是飛黃天上來  
影弄日華相照耀  
噴含雲色且徘徊  
莫言闕下桃花舞  
別有河中蘭葉開

驄馬

唐  
萬 楚

金絡青驄白玉鞍長鞭紫陌野遊盤朝驅東道塵恒滅  
暮到河源日未闌汗血每隨邊地苦蹄傷不憚隴陰寒  
君能一飲長城窟為盡天山行路難

裴相公大學士見示答張秘書謝馬詩并羣公

屬和因命追作

唐  
劉禹錫

草玄門戶少塵埃丞相并州寄馬來初自塞垣銜苜蓿  
忽行幽徑破莓苔尋花緩轡威遲去帶酒垂鞭蹀躞迴  
不與王侯與詞客知輕富貴重清才

公垂尚書以白馬見寄光潔穩善以詩謝之

唐  
白居易

翩翩白馬稱金羈。領綴銀花尾。曳絲毛色鮮。明人盡愛。  
性靈馴善主。偏知免將妾。換慙來處試。使奴牽欲上時。  
不蹶不驚行步穩。最宜山簡醉中騎。

和張十八秘書謝裴相公寄馬  
白居易

齒齋臆足毛頭膩秘閣張郎叱撥駒洗了領花翻假錦  
走時蹄汗蹋真珠青衫乍見曾驚否紅粟難賒得飽無

丞相寄來應有意遣君騎去上雲衢

賀張十八秘書得裴司空馬

唐韓愈

司空遠寄養初成毛色桃花眼鏡明落日已曾交轡語  
春風還擬並鞍行長令奴僕知飢渴須著賢良待性情  
旦夕公歸申拜謝免勞騎去逐雙旌

謝裴司空寄馬

唐張籍

駉駉新駒駿得名司空遠自寄書生乍離華廐移蹄澀  
初到貧家舉眼驚每被閒人來借問多尋古寺獨騎行

長思歲旦沙堤上得從鳴珂傍火城

紫驪馬

唐  
秦韜玉

渥洼奇骨本難求況是豪家重紫驪  
臆大宜懸銀壓胯力渾欺著玉銜  
頭生獐弄影風隨步躑躅衝塵汗滿鞵  
若遇丈夫能控馭任從騎取覓封侯

白馬

唐  
翁綬

渥洼龍種雪霜同毛骨天生膽氣雄  
金埒乍調光照地玉闕初別遠嘶風  
花明錦韉垂楊下露濕朱纓細草中



一夜羽書催轉戰紫髯騎出佩驛弓

代書寄馬

唐韋莊

驅馳曾在五侯家見說初生自渥洼  
髯白似披梁苑雪頸肥如撲杏園花  
休嫌綠綬嘶貧舍好著紅纓入使衙  
穩上雲衢三萬里年年長踏魏堤沙

繫白馬詩上薛僕射

唐平曾

白馬披髯練一團今朝被絆欲行難  
雪中放去空畱跡月下牽來只見鞍  
向北長鳴天外遠臨風斜控耳邊寒

自知毛骨還應異更請孫陽仔細看

韓左軍馬圖卷

元錢選

韓公胸次有神奇寫得天閑八尺駒曾為岐王天上賜  
不隨都護雪中驅霜蹄奮迅追飛電鳳首昂藏似渴烏  
春草青青華山曲三邊今日已無虞

大宛二馬

元郝經

二馬飄飄萬里來玉花蕭颯上金臺風生兩耳雲霄近  
電掣雙瞳日月開渥水虎文連朔氣大宛龍種絕氛埃

將軍正欲成勲業看汝驍騰展驥才

畫馬

元 范 梈

一自房星下渥洼龍媒多在玉皇家赤毛灑血微生汗  
黑暈團雲整作花不待老能知失道固應來自涉流沙  
如今豈少真神駿猶有丹青紙上誇

上都詐馬大讌

元 貢師泰

紫雲扶日上璇題萬騎來朝隊伍齊織翠轡長攢孔雀  
鏤金鞍重嵌文犀行迎御輦爭先避立近天墀不敢嘶

十二街頭人聚看傳言丞相過沙堤

天馬

元郭翼

四年遠涉流沙道筋骨權奇舊肉駿曉秣龍堆寒颯雪  
晚經月窟怒追風漢文千里知曾却曹霸丹青貌不同  
拂拭金鞍被來好幸陪天廐玉花驄

題趙仲穆彥徵畫馬

明錢宰

驄馬連錢新鑿蹄絡頭羈馭任官奚來從月窟真無價  
進入天閑不敢嘶雨露九重思冀北風塵千里下淮西

解鞍知在休兵後楊柳平河春草齊

五言絕句

白馬

唐賈至

白馬紫連錢嘶鳴丹闕前聞珂自蹀躞不要下金鞭

馬詩

唐李賀

龍脊貼連錢銀蹄白踏煙無人識錦韉誰為鑄金鞭

其二

大漠沙如雪燕山月似鉤何當金絡腦萬里踏清秋

其三

香襖赭羅新盤龍威鎗鱗回看南陌上誰道不逢春

偶成

元貢性之

雪色西番馬臨流顧影嘶似嫌金絡重蹴碎落花泥

和李長吉馬詩

元郭翼

肉礪錦纏駿流雲汗似紅太平無戰伐驂驔走沙蓬

其二

龍性非凡質騰波出紫雲檀溪飛過日應識漢將軍

其三

龍印畱官字霜花剝暗毛長鳴愁過影祇憶九方臯

其四

霞口縷銜塞霜蹄削玉寒曉看經邏些暮已驀樓蘭

其五

神駿知無匹驍騰絕域來流沙一丈雪夜拂白龍堆

其六

天子飛黃馬牽來賜近臣玉階新雨過風袞落花塵

其七

內殿玉花驄斑斑歛肉駿奚官新浴罷沙苑踏春風

其八

佛郎通上國萬里進龍媒曉日開闔闔虹光射玉臺

其九

天馬誰能馭和鸞駕紫微年年清暑去霹靂逐龍飛

少年樂

明  
徐有貞

少年騎駿馬意氣兩相驕馳騁春風裏人看滿渭橋



紫騮馬

明汪淮

誰家白面郎跨下紫騮馬  
跼蹐踏落花驕嘶綠楊下

其二

黃金絡馬首白玉作馬鞭  
盤旋不肯去牆外看鞦韆

六言絕句

舞馬詞

唐張說

萬玉朝宗鳳宸千金率領龍媒盼  
鼓凝驕蹀躞聽歌弄

影徘徊

其二

天鹿遙徵衛叔日龍上借義和將共兩驂爭舞來隨八駿齊歌

其三

綵旄八佾成行時龍五色因方屈膝銜杯赴節傾心獻壽無疆

七言絕句

天馬詞

唐  
張仲素

金月四庫全書  
天馬初從渥水來郊歌曾唱得龍媒不知玉塞沙中路  
苜蓿殘花幾處開

其二

蹀躞宛駒齒未齊  
撻金噴玉向風嘶  
來時欲盡金河道  
獵獵輕風在碧蹄

羽林騎

唐  
韓翃

駿馬牽來御柳中  
鳴鞭欲向渭橋東  
紅蹄亂踏春城雪  
花領驕嘶上苑風

看調馬

韓翃

鴛鴦赭白齒新齊  
曉日花間散碧蹄  
玉勒斗回初噴沫  
金鞭欲下不成嘶

樂府

唐劉言史

花額紅駿一向偏  
綠槐香陌欲朝天  
仍嫌衆裏驕行疾  
傍銙深藏白玉鞭

舞馬

唐陸龜蒙

月窟龍孫四百蹄  
驕驤輕步應金鞞  
曲終似要君王寵

回望紅樓不敢嘶

馬圖同裕之賦

金李純甫

天馬飛來不苦難  
雲屯萬騎開元間  
太平有象韓生筆  
曾見真龍如此閒

子昂逸馬圖

元袁桷

神駿飄飄得自閒  
天池飛躍下塵寰  
青絲絡首誰收得  
畱與春風十二閑

桃花馬

元馬祖常

白毛紅點巧安排勾引春風上背來  
莫解雕鞍橋下浴  
恐隨流水汎天台

題宋成之畫馬卷

元曹伯啟

奚官珍重玉花驄縱意清漣碧草中  
幸際四庭烽火靜  
不須騰踏待秋風

洗馬圖

元張伯淳

蕭蕭霧鬣與風駿撲面征塵一洗空  
相顧倍增神駿氣  
恍疑初在渥洼中

曹霸下槽馬

元虞集

樞下長年飽豆芻誰通馬語識踟躕主恩深重知何報  
或者東封駕鼓車

韓幹馬

虞集

開元沙苑蒺藜秋韓幹新圖總不收天廐真龍奇骨在  
故知臣甫負驂騑

畫馬

虞集

蕭條沙苑貳師還苜蓿秋風盡日閒白髮圉人曾習御

長鳴知是憶關山

唐人四馬卷

元  
宋  
无

金銜初脫齒新齊蹄玉無聲赤汗微昨日杏園春宴罷  
滿身紅雨帶花歸

其二

簇仗回來玉勒閒黃門牽向落花間君王不愛長楊獵  
嘶入春風十二閑

其三



霜蹄踏月早朝回尾弄紅絲拂紫苔日暖龍池初洗罷  
尚方聞進御鞍來

其四

太僕新調試錦韉九重日色照連錢春來興廢池邊路  
偏稱宮中軟玉鞭

三馬圖

元陳旅

豹股龍膺百戰餘凌煙長樞載璠璣時平不出橫門道  
願為君王駕鼓車

題飲馬圖

元 傅若金

一斛寒泉照紫駟蕭蕭駿尾動高秋夜來櫪上西風滿  
憶傍寒雲飲隴頭

題趙仲穆揩癢馬圖

元 朱德潤

渥洼天馬骨如龍散步春郊苜蓿中揩徧玉駿塵未落  
日斜宮樹影搖風

畫馬

元 貢性之

天閑牽出自奚官飲罷春流未解鞍記得曾陪仙仗立

五雲深處隔花看

其二

駿馬驍騰不受羈  
貢來遠自渥洼西  
花陰立仗歸來晚  
騎向天街自在嘶

其三

奚官牽出莫歸遲  
豐草甘泉御苑西  
記得曉趨金殿直  
百花深處聽驕嘶

王架閣家畫馬

明高啟

草草髯奴紺綠衣王家好馬詫新肥解鞍閒立斜陽裏  
應是城南賭射歸

雙馭圖

明張羽

內官妝束樣能齊宛洛春風信馬蹄共說放朝無一事  
看花直到夾城西

畫馬

明鍾績

雙駒汗血已斑斑蹀躞春風意態閒聞道千金求駿骨  
不應龍種在人間

紫騮馬

明 王慎中

朱汗四垂碧玉蹄  
韁絲陡勒不勝嘶  
長安陌上催花雨  
萬樹紅英踏作泥

題趙松雪馬圖

明 僧來復

振鬣長鳴產月支  
玉關風急貢來時  
五花獅子真龍種  
賜出黃門不敢騎

御定佩文齋詠物詩選卷四百五

欽定四庫全書

御定佩文齋詠物詩選卷四百六

驢類

附驢

七言古

雪中騎驢訪某道人于觀追憶曩日棲霞之約

明徐渭

昨日雪深驢沒蹄今日雪深驢可騎此時去訪楊道士  
青天猶壓楊花垂太平門外雖多景莫妙梅花水清冷

棲霞有約不得行孤負千峯老鴉頸

七言律

題倒騎驢觀梅圖

元吳澄

玉妃一笑本無猜  
拗性驢兒去不回  
見面可憐交臂失  
畱情聊復轉身來  
月凝絕豔駸駸遠  
風送清香款款陪  
雪裏吟翁吟弗就  
過時却與惱癡猷

夢騎驢

元王逢

蹇驢雙耳卓東風  
前導青衣一小童  
石澗倒涵嵐氣白

海霞高貫日輪紅桃花芝草經行異鶴髮雞皮語笑同  
却待朝天驚夢失春醒無奈雨簾櫳

五言絕句

路傍曲

宋陸游

冷飯雜砂礫短褐蒙霜露黃葉滿山郵行人跨驢去

送胡獻叔守邵陽

宋方岳

寧騎踏雪驢莫驟追風馬霜蹄失銜勒多是快意者

題畫扇騎驢踏雪

元陳深



雪沒驢腰白行行詩興催不因太清絕那肯犯寒來

題秋山行旅圖

元趙孟頫

老樹葉似雨浮嵐翠欲流西風驢背客吟斷野橋秋

七言絕句

送人

唐王建

山客狂來跨白驢袖中遺却潁陽書人間亦有妻兒在  
拋却嵩陽古觀居

小遊仙詩

唐曹唐

沙野先生閉玉虛  
焚香夜寫紫微書  
供奉童子閒無事  
教判瓊花餵白驢

絕句

唐  
闕名

今年勅下盡騎驢  
短轡長鞦滿九衢  
清瘦兒郎猶自可  
就中愁殺鄭昌圖

雪行圖

金  
元好問

太乙仙舟雲錦重  
新郎走馬杏園紅  
騎驢虧煞吟詩客  
到處相逢是雪中

韓陵道中

金 王庭筠

石頭犖确兩坡間，不記秋來幾往還。  
日暮蹇驢鞭不動，天教仔細數前山。

題杜陵浣花

元 趙孟頫

春色醺人苦不禁，蹇驢馱醉晚駸駸。  
江花江草詩千首，老盡平生用世心。

畫意

元 馮 臻

緣溪路滑蹇驢遲，水色山光總入詩。  
還勝襄陽孟夫子，

滿身風雪灞橋時

陳生華山圖

元張雨

西祀曾尋箭枯天雲臺石室故依然雪驢嗅地鞭不起  
一笑太平三百年

讀臨川集

張雨

班馬文章老琢磨皐夔心跡半雕訛執鞭願作鍾山吏  
一袂字書隨白驢

驢

明梁小玉

欽定四庫全書

御定御文齋詠物詩選  
卷四百六

四

買得青驢捷似梭  
松雲蘿月任婆娑  
還嫌踏碎嬌花影  
欸欸扶韁倩墨娥

御定佩文齋詠物詩選卷四百六

欽定四庫全書

御定佩文齋詠物詩選卷四百七

牛類

附犀牛

五言古

題竹石牧牛

宋黃庭堅

野次小崢嶸幽篁相依綠  
阿童三尺簪御此老敲鯨石  
吾甚愛之勿遣牛礪角  
牛礪角尚可牛鬪殘我竹

毛老鬪牛

宋文同

欽定四庫全書

御定佩文韻府詩選  
卷四百七

牛牛爾何爭於此輒鬪怒長鞭鬧兒童大炬走翁嫗蒼  
樓八九子駭立各四顧何時解角歸茅舍江邨暮

七言古 附長短句

放牛歌

唐  
陸龜蒙

江草秋窮似秋半十角吳牛放江岸鄰肩抵尾乍依偎  
橫去斜奔忽分散荒陂斷塹無端入背上時時孤鳥立  
日暮相將帶雨歸田家煙火微茫濕

十九日出曹門見水牛拽車

宋  
梅堯臣

只見吳牛事水田只見黃犂負車輓今牽大車同一羣  
又與騾驢走長陌印頭闊步塵蒙蒙不似綏耕泥汨汨  
一一夜眠頭向南越鳥心腸誰辨白

題牧牛圖

宋 陳與義

千里煙草綠連山雨新足老牛抱朝飢向山影覓餘犢  
兒狂走先過浦却立長鳴待其母母子為人實倉廩汝  
飽不慙人愧汝牧童生來日日娛只憂身大當把鋤日  
斜睡足牛背上不信人間有黃輿



游昭牛圖

宋陸游

游昭木石師李唐畫牛乃是其所長出欄切聽一聲笛  
意氣已無千頃荒客居京口老益困衣不揜脰鬚眉蒼  
時時弄筆眼力健蹄角毛骨分毫芒我無沙隄金絡馬  
拂拭此幅喜欲狂乞骸幸蒙優詔許置身忽在煙林傍  
日落飲牛水滿塘夜半飯牛天雨霜俚醫灌藥美水草  
老巫呵禁袂不祥願我孫子勤農桑願汝生犢筋脉強  
碓聲驚破五更夢歲負玉粒輸官倉

觀小兒戲打春牛

宋 楊萬里

小兒著鞭鞭土牛學翁打春先打頭黃牛黃蹄白雙角  
牧童綠蓑笠青箬今年土脉應雨膏去年不似今年樂  
兒聞年登喜不飢牛聞年登愁不肥麥穗即看雲作帚  
稻米亦復珠盈斗大田耕盡却耕山黃牛從此何時閒  
安樂坊牧童

楊萬里

前兒牽牛渡谿水後兒騎牛回問事一兒吹笛笠簪花  
一牛載兒行引子春谿嫩水清無滓春洲細草碧無瑕

五牛遠去莫管他  
隔谿便是羣兒家  
忽然頭上數點雨  
三笠四蓑趕將去

春郊牧養圖

宋戴復古

我之居元在野平生慣識牛羊者  
今見蒲江出此圖半日不知渠是畫  
一犍當前轉頭立一犍渡浦毛猶濕  
中有一蒼騎以牧牯野相隨數十足  
殿後兩枚黃犍分明明如活  
下前坡路轉山南春草多耳根只欠牧兒歌

題牧牛圖

元吳澄

樹葉醉霜秋草萎童驅馵涉淺谿一牛先登舐犢背  
犢毛濕濕猶未晞一牛四蹄俱在水引脰前望喜近隄  
一牛兩脚初下水尻高未舉後兩蹄前牛已濟伺同隊  
回身向後立不移一牛將濟一未濟直須並濟同時歸  
此牛如人有恩義人不如牛多有之人不如牛多有之  
笑問二童知不知

題牧牛渡水圖

元  
貢師泰

兒騎牛兒騎牛兩牛渡水當中流一牛帶犢臨沙洲沙

洲泥深沒牛足中流浪高拍牛腹長繩墜手衣裹身前  
者起顧後俯伏牛背欹傾不自由誰云穩比萬斛舟待  
兒出險走平地畫圖忽落東海頭東海頭飯牛之子曾  
封侯

飯牛歌

元  
洪希文

牛吒吒蹄趵趵枯萁齧盡芳草綠自晡薄夜不滿腹搨  
菜作糜豆作粥飼飢飲渴兩已足脫紉解銜就茅屋不  
愁飢腸雷轆轤風簷獨抱牛衣宿丁男長大牛有犢明

年添種南山曲

牧牛圖

元貢性之

谿童飲牛渡谿水牛遇水深行復止人知水深牛不行  
誰識回頭顧其子桃林之野春雨晴燒痕回綠春草青  
太守勸農當二月土膏肥煖牛可耕邯鄲城頭征戰息  
甯戚徒勞吟白石一聲笛裏太平歌牛背谿童自朝夕

牧牛詞

明高啓

爾牛角彎環我牛尾禿速共拈短笛與長鞭南壟東岡

去相逐日斜草遠牛行遲牛勞牛飢惟我知牛上唱歌  
牛下坐夜歸還向牛邊卧長年牧牛百不憂但恐輸租  
賣我牛

題牧牛圖

明  
張以寧

返照在高樹歸牛度層坡一犢年然赴其母老孥返顧  
情何多牧兒見之亦心惻人間母子當如何日暮倚門  
烏尾訛

牛圖

明  
僧清澹

春光寂寂煙暈晴春風水波痕明谿南谿北小坡平  
我却騎牛向谿曲谿曲嫩草嫩如玉記得當時農事足  
倒指數來三十年今觀此圖猶宛然只多舐犢雙崖邊

五言律

牛

唐李嶠

齊歌初入相燕陣早橫功欲向桃林下先過梓樹中在  
吳頻喘月奔夢屢驚風不用五丁士如何九折通

鐵牛廟

元納延



燕人重東作銘鐵象牛形角斷苔花碧蹄穿土鏽腥遺  
蹤傳野老古廟託山靈一酌壺中酒穰穰黍麥青

七言律

牧牛圖

金  
王良臣

三摩不受一塵侵本分工夫日念深杖履得迴遊子脚  
葛藤灰盡老婆心顛狂不作風頭絮出入誰傷并底金  
回首人牛在何許一江明月夜沉沉

白牛為日本純上人賦

明  
僧來復

畊雲不住海門東，牧向楞伽小朶峰。  
露地已忘調服力，雪山誰識去來蹤。  
放歸祇樹隨羊鹿，種就曇花伴象龍。  
一色天闌頭角別，水晶池沼玉芙蓉。

五言絕句

田園言懷

唐李白

賈誼三年謫，班超萬里侯。  
何如牽白犢，飲水對清流。

將牛何處去

唐元結

將牛何處去，耕彼故城東。  
相伴有田父，相歡惟牧童。

代牛言

唐劉叉

渴飲潁川水  
餓喘吳門月  
黃金如可種  
我力終不歇

情

唐曹鄴

東西是長江  
南北是官道  
牛羊不戀山  
只戀山中草

山中吟墨韻

唐皮日休

穿煙泉潺湲  
觸竹犢轂馱  
荒篁香牆匡  
熟鹿伏屋曲

牧童

宋葛長庚

楊柳陰初合  
邛童睡正迷  
一牛貪草嫩  
喫過斷橋西

畫牛

元 僧大訢

草煖犢子肥牧閒牛耳濕誰知荷蓑翁風雨租稅急

牧牛圖

明 錢 宰

野老春耕歇谿兒晚牧過夕陽牛背笛強似飯牛歌

棲雲樓晏坐效寒山偈

明 殷 邁

對雨千峰靜看山百慮輕昨宵明月夜露地白牛生

雨澗牛

明 僧如蘭

谿岸野橋橫烏犍帶犢行無人掛書讀雨外候春耕

七言絕句

小遊仙

唐  
曹唐

絳樹彤雲戶半開  
守花童子怪人來  
青牛卧地喫瓊草  
知道先生朝未回

昇平詞

宋  
王禹偁

細草煙深暮雨收  
牧童歸去倒騎牛  
笛中一曲昇平樂  
再得生來未解愁

絕句

宋  
張耒

天高列岫出林外霜落大江流地中晚日橋邊數歸牧  
牛羊部分聽兒童

春日田園雜興

宋 范成大

騎吹東西里巷喧行春車馬鬧如煙繫牛莫礙門前路  
移繫門西碌碡邊

冬日田園雜興

范成大

乾高寅缺築牛宮卮酒豚蹄酹土公牯犉無瘟犢兒長  
明年添種越城東

農舍

宋陸游

萬錢近縣買黃犢  
襪行當東作時  
堪笑江東王謝輩  
唾壺塵尾事兒嬉

其二

杜門雖與世相違  
未許人嘲作計非  
長綆雲邊牽犢過  
小舟月下載犁歸

春晚即事

陸游

龍骨車鳴水入塘  
雨來猶可望豐穰  
老農愛犢行泥緩

幼婦憂蠶采葉忙

買牛

陸游

老子傾囊得萬錢  
石帆山下買烏犍  
牧童避雨歸來晚  
一笛春風草滿川

過百家渡

宋  
楊萬里

一晴一雨路乾濕  
半淡半濃山疊重  
遠草平中見牛背  
新秧疎處有人蹤

過大皐渡

楊萬里



隔岸橫洲十里青黃牛無數放春晴船行非與牛相背  
何事黃牛却倒行

桑茶坑道中

楊萬里

清明風日雨乾時草滿花隄水滿谿童子柳陰眠正著  
一牛喫過柳陰西

次韻程弟

宋方岳

草堂四壁一瓢空舉世無人與我同黃犢山南又山北  
犁春猶有古人風

和元卿郊行

金党懷英

馬駛車驅起路塵  
傍山陰翳作春溫  
東風欲放萌芽動  
已有疲牛齧燒痕

題江貫道百牛圖

元白珽

幾年散放桃林後  
餘四百蹄猶可騎  
攬鏡挂書多事在  
能騎惟有一凝之

老牛

元宋无

草繩穿鼻繫柴扉  
殘喘無人問是非  
春雨一犁鞭不動

夕陽空送牧兒歸

牧牛圖

元 貢性之

郊原春草綠茸茸  
牛背如舟卧牧童  
自是太平新氣象  
錯將畫意屬良工

題野老醉騎牛圖

明 錢 宰

邨田樂事老來稀  
記得江南春社時  
兒女醉扶黃犢背  
帽簷顛倒插花枝

衡岳雜興

明 胡 安

幽泉自注石厓銷度壑寒雲去未遙松畔茯苓無處斲  
倒騎黃犢自吹簫

過水下口

明  
劉侃

山樹參差石徑斜雨餘飛瀑過桑麻山翁放罷邨前犢  
倚杖谿頭護稻花

題畫牛

明  
僧普慈

林下逍遙飽則眠何人能似爾安然因思昔日陶弘景  
金作龍頭不易牽

附犀牛

五言古

述韋昭應畫犀牛

唐  
儲光羲

遐方獻文犀萬里隨南金大邦柔遠人以之居山林食  
棘無秋冬絕流無淺深雙角前嶄嶄三蹄下駸駸朝賢  
壯其容未能辨其音有我衰鳳郎新邑長鳴琴陞閣飛  
嘉聲丘甸盈仁心閒居命國工作繪北堂陰眈眈若有  
神庶比來儀禽昔有舞天庭為君奏龍吟

七言古

馴犀

唐  
元 稹

建中之初放馴象遠歸林邑近交廣獸返深山鳥構巢  
鷹鵬鷄鶻無羈鞅貞元之歲貢馴犀上林置圈官司養  
玉盆金棧非不珍虎啖狴牢魚食網渡江之橘踰汶貉  
反時易性安能長臘月北風霜雪深蹢躅鱗身遂長往  
行地無疆費傳驛通天異物罹幽枉乃知養獸如養人  
不必人人自敦獎不擾則得之於理不奪有以多於賞

脫衣推食衣食之不若男耕女令紡堯民不自知有堯  
但見安閒聊擊壤前觀馴象後觀犀理國其如指諸掌



御定佩文齋詠物詩選卷四百七

# 欽定四庫全書

集部

御定佩文齋詠物詩選卷四百八至十六

詳校官侍郎<sub>臣</sub>李封

主事銜<sub>臣</sub>徐以坤覆勘

總校官檢討<sub>臣</sub>何思鈞

校對官中書<sub>臣</sub>高 中

膳錄監生<sub>臣</sub>黃憲度



欽定四庫全書

御定佩文齋詠物詩選卷四百八

羊類

七言古

附長短句

五仙謠

宋  
郭祥正

番禺五仙人騎羊各一色手持六秬穗翱翔繞城壁翩翩去乘雲諸羊化為石至今留空祠異象猶可識曾聞經猛火毫髮無痕迹五仙寧復來三說頗難測只憂風

雨至半夜隨霹靂君不見羌盧劉越之洞天萬象森羅  
無一尺

題四羊圖

宋王阮

三百維羣世不見廼以四羊為一圖人言此圖出韋偃  
不知韋偃有意無巖巖參天一古木下有輕蔭滿郊綠  
雪髯隱約黑暈中沙肋微茫筆端足昔聞韋侯畫馬工  
杜陵長歌歌古松孰知畫羊更如此世間絕藝誰能窮  
蘄春太守好事者珍藏有此希世畫嗟余得見雙眼明

此一轉語久難下三羊游戲芳草茵一羊輒登枯樹根  
安得添我作牧人為公鞭此一敗羣

恭題靈羊圖

宣宗御筆

明  
謝承舉

塞上春深草初綠黃河套邊堪放牧何來羗羝攜乳畜  
旁有韓盧將搏逐羣羝不奔且不驚輜車無影鸞無聲  
持旄已歸蘇子卿挾冊未見皇初平羊何安閒盧何猛  
以靜制動清邊境我皇執筆發深微意在和雍化強梗  
是時賢相惟三楊昇平輔理稱虞唐九重優游翰墨場

天與人文垂四方

五言律

羊

唐  
李嶠

絕飲懲流俗行驅夢逸才  
仙人擁石去童子馭車來  
夜玉含星動晨紈映雪開  
莫言鴻漸力長牧上林隈

秋羊

元  
許有壬

塞上寒風起庖人急尚供戎鹽  
春玉碎肥野壓花重肉  
淨燕支透膏凝琥珀濃  
年年神御殿頒餽每霑儂

黃羊

許有壬

草美秋先腴沙平夜不藏解條文豹健鬻炙宰夫忙有  
肉須供蟻無魂亦似麋少年非好殺假爾試穿楊

題蘇武牧羊圖

元  
楊維禎

未入麒麟閣時時望帝鄉寄書元有鴈食雪不離羊旄  
盡風雲節心懸日月光李陵何以別涕淚滿河梁

七言律

牧羊兒上鼓

明  
太祖

羣羊朝牧遍山坡松下常吟樂道歌  
土鼓枹時山鬼聽石泉濯處澗鷗和  
金華誰識仙機密蘭渚何知道術多  
歲久市中終得信叱羊洞口白雲過

五言絕句

李陵臺

元馬祖常

故國關河遠高臺日月荒  
頗聞蘇屬國海上牧羝羊

七言絕句

小遊仙

唐曹唐

共愛初平住九霞  
焚香不出閉金華  
白羊成隊難收拾  
喫盡谿頭巨勝花

戲答張秘監饋羊

宋

黃庭堅

細肋柔毛飽卧沙  
煩公遣騎送寒家  
忍令無罪充庖宰  
留與兒童駕小車

次韻王敏文待制燕京雜詠

明

僧來復

秋滿龍沙草已霜  
射鵬風急朔雲長  
內官連日無宣喚  
獵取黃羊進尚方

御定佩文齋詠物詩選卷四百八



欽定四庫全書

御定佩文齋詠物詩選卷四百九

犬類

四言古

賦犬

吳  
張儼

守則有威出則有獲韓盧宋鵲書名竹帛

五言古

狗詩

晉  
張華

如黃批狡兔青散撮飛雉鵠驚皆盡收鳧鷖安足視

狂犬

宋 孔平仲

吾家有狂犬其走如脫兔撐突盤盂翻搜爬堂廡汗逢  
人吠不止雞噪貓且怒固難在家庭只可守邨墅不見  
已半年意謂少懲懼昨日至城東搖尾喜若赴銜衣復  
抱膝屢叱不肯去一躍數尺高其強乃如故豈惟性則  
然汝分亦天賦未聞有驂駟蹄齧棄中路安敢攜汝歸  
重令兒女怖

予來儋耳得吠狗曰烏觜甚猛而馴隨予遷合  
浦過澄邁泗而濟路人皆驚戲為作此詩

宋  
蘇軾

烏喙本海獒幸我為之主食餘已瓠肥終不憂鼎俎晝  
馴識賓客夜悍為門戶知我當北還掉尾喜欲舞跳踉  
赴童僕吐舌喘汗雨長橋不肯躡竟渡清深浦拍浮似  
鷺鴨登岸劇虓虎盜肉亦小疵鞭箠當貫汝再拜謝恩  
厚天不遣言語何當寄家書黃耳定乃祖

五言絕句

逢雪宿芙蓉山主人

唐 劉長卿

日暮蒼山遠，天寒白屋貧。  
柴門聞犬吠，風雪夜歸人。

題李廸畫犬

明 高 啓

獨兒偏吠客，花下卧晴莎。  
莫出東原獵，春來兔乳多。

遊天壇山

明 謝 榛

偶逢雙玉童，相引躡雲去。  
犬吠洞門開，三花最深處。

潞陽晚訪馮員外汝言

謝 榛

野闊早霜明林空涼吹動一犬吠人來松窗破秋夢

題畫

明僧德清

風雨孤舟夜微茫草樹春茅簷驚犬吠定是渡江人

暮景

明申光漢  
朝鮮人

樹密深濃翠孤煙淡作雲前邨聞犬吠暗路草中分

六言絕句

山家

明姚旅

柏葉麝餐雲煖柳條鳥踏煙寒稚子出牆看客隔籬犬

吠衣冠

七言絕句

山店

唐  
王建

登登石路何時盡  
泱泱谿泉到處聞  
風動葉聲山犬吠  
一家松火隔秋雲

山中喜靜和子見訪

唐  
施肩吾

絕壁深谿無四鄰  
每逢猿鶴即相親  
小奴驚出垂藤下  
山犬今朝吠一人

再歸松谿舊居宿西林

唐  
徐凝

五粒松深谿水清  
衆山搖落月偏明  
西林靜夜重來宿  
暗記人家犬吠聲

夜會鄭氏昆季林亭

唐  
方干

卷簾圓月照方塘  
坐久樽空竹有霜  
白犬吠風驚鴈起  
猶能一一旋成行

小遊仙詩

唐  
曹唐

冰屋朱扉曉未開  
誰將金策扣瓊臺  
碧花紅尾小仙犬

閒吠五雲嗔客來

寒夜吟

唐  
成彥雄

洞房脉脉寒宵永  
燭炮香消金鳳冷  
獨兒睡魘喚不醒  
滿窗撲落銀蟾影

春日田園雜興

宋  
范成大

步屨尋春有好懷  
雨餘蹄道水如盃  
隨人黃犬攬前去  
走到谿橋忽自迴

郊行

金  
鄭權



谿橋納納馬蹄輕竹裏人家犬吠聲行盡灘光谿路黑  
隔林燈火夜深明

閻立本職貢圖

金

閻長言

諤諤昌周此一書形容藝貢寫成圖寧知右相無深意  
莫指丹青便厚誣

宿卓水

元許衡

寒缸挑盡火重生竹有清聲月自明一夜客窗眠不穩  
却聽山犬吠柴荆

軍中苦樂謠

元 周霆震

半臂纏腰帽卷氈剪袞荷葉腿齊編市西橋外看屠狗  
笑擲并刀賭酒錢

題犬

元 貢性之

深宮飽食恣獐獐卧毯眠氈慣不驚却被捲簾人放出  
宜男花下吠新晴

秋日過子問郊原

明 王伯稠

葉舫百轉入幽谿灌木蒼藤夾岸迷一縷炊煙山犬吠

柴門忽出竹叢西

巫夔道中

明  
黃輝

星星冷炬拂雲堆  
夜踏偏橋半欲摧  
人隊似猿穿嶺去  
犬聲如豹透林來

冬日穆湖邨居同蘊輝上人賦

明  
僧智旌

買得漁蓑與釣綸  
天寒日暮水無鱗  
浩歌一曲知何處  
犬吠蘆花不見人

御定佩文齋詠物詩選卷四百九

欽定四庫全書

御定佩文齋詠物詩選卷四百十

豕類

四言古

豪彘贊

晉  
郭璞

剛鬣之族號曰豪彘毛如攢錐中有激矢厥體兼資自  
為牝牡

長短句

驅豬行

黃堂張氏莊作

金元好問

沿山時苗多費力辦與豪豬作糧食草菴架空尋丈高  
擊版搖鈴鬧終夕孤犬無猛噬長箭不暗射田夫睡中  
時叫號不似驅豬似稱屈放教田鼠大於兔任使飛蝗  
半天黑害田爭合到渠邊可是山中無橡朮長牙短喙  
食不休過處一抹無禾頭天明壟畝見狼籍婦子相看  
空淚流旱乾水溢年年日會計收成纔什一資身百倍  
粟豆中儋石都能幾錢直兒童食糜須愛惜此物羣豬

口中得縣吏即來銷稅籍

七言絕句

金人出獵圖

元張雨

小隊鳴笳曉出圍  
地椒狼籍獸應肥  
庖厨久厭腥羊粉  
故遣蕭郎擊豕歸

御定佩文齋詠物詩選卷四百十



欽定四庫全書

御定佩文齋詠物詩選卷四百十一

鹿類

四言古

白鹿頌

吳  
薛綜

皎皎白鹿體性馴良其質皓濯如鴻如霜

虞獲子鹿

唐  
韋應物

虞獲子鹿畜之城陬園有美草池有清流但見麀麀亦

聞呦呦誰知其思巖谷之遊

五言古

述園鹿

唐  
韋應物

野性本難畜  
翫習亦逾年  
麋斑始力直  
麋角已蒼然  
仰首嚼園柳  
俯身飲清泉  
見人若閒暇  
麋起忽低騫  
茲獸有高貌  
凡類寧比肩  
不得遊山澤  
跼促誠可憐

鹿喻

元  
王惲

我本麋鹿性  
出處安自然  
金鑣非所慕  
志在長林煙  
得

遠機穿地食革飲清泉  
呦鳴錫同類甘以辭  
華軒野兕出其側  
暗蹂山前田農家  
伺所害乃知獸之愆  
彼兕以計去嘉禾  
歲芊芊野人居山中  
數畝事墾劬慮為町  
疇場指鹿乃兕屬  
雖無搨刃心見之惡  
且逐鹿心素無機  
淡與標枝閒遁迹  
入幽谷擇音遠人  
窠尚為山中人置  
疑齒頰間

五言律

詠鹿

唐  
李嶠

涿鹿開中冀秦原闢帝基柰花栽舊苑華葉諠前詩道  
士乘仙日先生折角時方懷丈夫志抗首別心期

五言排律

省試內出白鹿宣示百官

唐黃滔

上瑞何曾乏毛羣表色難推於五靈少宣示百寮觀形  
奪場駒潔光交月兔寒已馴瑤草徑孤立雪花團戴豸  
慚端士抽毫躍史官貴臣歌詠日皆作白麟看

七言律

和楊龍圖麋猿屏

宋 蔡 襄

畫莫難於工寫生麋猿移得上幽屏相逢平野初驚顧  
共向薰風識性靈引子書遊新草綠嘯羣時望故山青  
可憐官省沈迷處每到中軒頓覺醒

麋猿屏

宋 闕 名

麋狎猿馴遂性靈恍然疑不是丹青豈憂夜獵林中去  
只欠秋吟月下聽舉目便同臨澗谷此身全恐寄郊坰  
山容野態窮微妙造物爭工六尺屏

題小薛王畫鹿

元 鄧文原

禮樂河間雅好儒，曾陪校獵奉鑾輿。  
畫長靈囿觀遊後，政暇嘉賓燕集餘。  
蛺蝶圖工人去久，騶虞詩好化行初。  
宗藩翰墨留珍賞，憑仗相如賦子虛。

五言絕句

鹿柴

唐 裴迪

日夕見寒山，便為獨往客。  
不知深林事，但有麝鹿跡。  
七言絕句

山中

唐 盧仝

飢食松花渴飲泉偶從山後到山前  
陽坡軟草厚如織  
膚與鹿麕相伴眠

山中翫白鹿

唐 施肩吾

繞洞尋花日易消人間無路得相招  
呦呦白鹿毛如雪  
踏我桃花過石橋

尋古觀

唐 朱慶餘

仙觀曾過知不遠花藏石室杳難尋  
泉邊白鹿聞人語

看過天壇漸入深

觀鹿

唐賈島

條峰五老勢相連  
此鹿來從若箇邊  
別有野麋人不見  
一生長飲白雲泉

新昌井

唐殷堯藩

輓轡千轉勞筋力  
待得甘泉渴煞人  
且共山麋同飲澗  
玉沙鋪底淺磷磷

頭陀僧

唐陸龜蒙



萬峰圍繞一峯深  
向北長修苦行心  
自掃雪中歸鹿跡  
天明恐被獵人尋

呦呦

宋  
林逋

深林撼撼分行響  
淺葑茸茸疊浪痕  
春雪滿山人起晚  
數聲低叫喚籬門

西山

宋  
劉克莊

絕頂遙知有隱君  
餐芝種朮鹿為羣  
多應午竈茶煙起  
山下看來是白雲

山行

金 龕 鑄

四面雲山玉作圍，一川霜樹錦為衣。  
翩翩數騎平岡下，傳粉王孫射鹿歸。

遊三茅華陽諸洞

元 宋 无

書滿琅函秘不開，雲窗霧閣鎖青苔。  
門前白鹿將麋過，定是避秦人引來。

續遊仙詩

明 馬 洪

養馴蒼鹿放蓬山，走入煙霞喚不還。  
明日羣中尋却易。

七星符在項毛間

蓬萊小遊仙

明  
劉績

仙子新從紫海歸  
酒香浮著五銖衣  
卧看白鹿喫瑤草  
滿地瓊雲凝不飛

寄神樂觀鄧仙官

明  
僧來復

開遍谿頭巨勝花  
雪精雙引紫雲車  
忽傳青鳥催春宴  
爛醉金桃阿母家

御定佩文齋詠物詩選卷四百十一

欽定四庫全書

御定佩文齋詠物詩選卷四百十二

狐類

四言古

九尾狐贊

晉郭璞

青丘奇獸九尾之狐有道翔見出則銜書作瑞周文以  
標靈符

五言絕句

山行

明 汪日夢

澗道散寒流，衡沙漫田畝。  
妖狐行野碓，風葉滿春白。

七言絕句

從獵口號

金 李獻能

的皪金鋤墮，曉星晴天霹靂應。  
弦聲風毛雨血燕雲在，未要草間狐兔驚。

塞下曲

明 何白

城上驚飛白項烏，黃蒿隱見跳黃狐。  
數聲刁斗殘星落。

獵獵酸風亂馬呼

御定佩文齋詠物詩選卷四百十二